

maha hoki ona awa ririki. E taea atu ai me tika ma Kennedy Bay, hawhe macro te tawhiti, a tekau macro te tawhiti i Karamaene.

WHAKAMARAMATANGA.

Me tiki atu nga mapi o nga whenua nei me nga pukapuka tino whakamarama i nga tikanga e hokona ai aua whenua, me nga pukapuka tena (*tender forms*) i te tari o te Poari Whenua Maori o Waikato-Maniapoto, Akarana, i nga pouateta tutata ranei ki nga whenua ka hokona nei; me tiki atu ranei i te tari o te Huckerteri mo nga Mea Maori, kci Poneke.

A. G. HOLLAND,
Perehitini o te Poari Whenua Maori o te
Takiwa o Waikato-Maniapoto.

Whakaturanga i nga Tikanga e uru ai te Maori hei Hoia.

WHAKAMARAMA KI NGA MAORI E HIAHIA ANA KIA URU HEI HOIA.

(1.) Te Ritenga o te Whakauru.

M E tono ki te *Recruiting Officer*, a mana e tuhituhi nga kupu mo roto i te Kaari Rehitatanga e tuku atu ki te Tari mo te Whawhai. Kia tae atu te kupu a te Tari kia haere te tangata e whakauru ana ia a ia kia tirohia e te takuta, hei reira ra ano ia whakarerai i tana mahi i whiwhi oranga ai ia mona.

(2.) Tirohanga e te Takuta

A tona wa ka tae atu he kaari ki te tangata e whakauru ana hei hoia hei whakaatu ki a ia i te taima me te kainga e tirohia ai ia e te takuta. Ki te paahitia ia ka tukuna atu ia i reira tonu ki te puni hoia (*camp*).

(3.) Ki te Hikitia te Kainga Noho.

Ki te haere te tangata e whakauru ana hei hoia ki tetahi atu kainga noho ai, me whakaatu mai e ia ki te Tari te ingoa o te kainga. Ki te haere ia ki tetahi atu takiwa me rehita ia ki tana takiwa.

(4.) Nga Tikanga o te Whakauru.

Ki te uru te tangata ka mau tonu ia hei hoia a mutu noa te whawhai a tae noa ki te wa e hoki mai ai ki Niu Tireni tiaatingia ai.

(5.) Te Oati ki te Kingi.

Ko ia hoia me oati i te Oati Piri Pono ki te Kingi, a me haina rawa i te pukapuka pera kua oti te whakarite.

(6.) Etahi Tikanga.

Ko te pakeke o te tangata hei te rua tekau tau tae atu ki te wha tekau tau.

Ko te teitei o te tangata kaua e poto iho i te 5 putu 4 inibi.

Ko te tamaha kaua e nuku atu i te tekau ma toru toone. Me tangata totika mo te whawhai.

(7.) Tirohanga e te Takuta.

Ko te titiro a te takuta he kowhiti i nga tangata maia, tangata ora, e rite ana mo te whawhai, ara i nga mea kaore

he mate o te tinana, o nga karu, o nga taringa; kaore he whaturama, kaore he hukiki, a e ora ana nga njho hei ngau-ngaui i ana kai.

(8.) Nga Pu me nga Kakahu.

Ma te Kawanatanga o Niu Tireni e whakarite, kaore he utu.

(9.) Ko te Utu mo te Hoia.

Ko te utu mo nga hoia e uru ana ki te *Expeditionary Force* i te marama tuatahi i te puni (*camp*) ko te utu ano e utua nei ki nga hoia o te *Territorial Force*, ara kia 4s. i te ra mo te paraiwete. Ko tenei moni ka whakaputaina ki ia hoia i ia tekau ra i ia tekau ma rima ra ranei.

Ka pau te marama tuatahi ka whakanukuhia ake te moni kia rite ki te moni e utua ana ki nga hoia o te *Expeditionary Force*, ara kia 5s. i te ra mo te paraiwete. Ka tangohia i roto i tenei moni nga moni e whakaritea e te hoia kia utua ki tetahi atu tangata.

Ina eke ki runga ki te kaipuke hari i nga hoia ki te whawhai e 2s. tonu te moni mo te ra e whakaputaina, ko te toenga, ara te 3s. i te ra, mehemea kaore ano i whakaritea e te hoia kia utua ki tetahi atu, ka puritia taihoa e whakaputa ki tana hoia, ara kia tiaatingia ra ano ia, kia hoki mai ra ano ranei ki Niu Tireni; ki te mate te hoia ka whakaputaina tana moni ki tona uru tata i runga i ta te ture.

(10.) Kereeme a nga Whanaunga tata mo tetahi Oranga.

Ina tae ia hoia ki te puni (*camp*) me haina ia i tetahi puka puka whakamana i te Tari mo te Whawhai ki te tango i tetahi taha o tana moni kua whakatoea ra, i te hawhe ranei o tana moni, hei oranga, ina tonoa, mo ona whanaunga tata e noho kore oranga ana. "Whamere" tona tikanga ko te wahine, ko nga matua, ko nga tamariki ranei a tana hoia, ko tetahi tangata ranei i whakataua ki a ia, a muri atu ranei whakataua ai ki a ia, tetahi ota-oranga i raro i te Ture mo nga Tangata Rawakore, 1910.

CONTENTS.

LANDS—	PAGE
Laying out and taking Lands for Roads ..	845
Prohibiting Alienation of certain Native Lands to Private Persons ..	845-846
Revocation of Order in Council ..	846
Native Lands for—	
Lease by Public Auction, Aotea District ..	855-856
Sale by Public Tender, Waikato-Maniapoto District ..	856-857
NOTICES—	
Sitting of the Native Land Court at—	
Ahipara	847-851
Whangarei	851-852
Wellington	852-854
Orders of Adoption of certain Children ..	855
Instructions to Maoris desiring to enlist—	
How to do so	857

I taia i runga i te Mana o te Kawanatanga o Niu Tireni, e MAKANA MAAKA, Kai-ta a te Kawanatanga, Poneke.